



Kodeks ponašanja

članova/ica Upravnog odbora Fondacije tuzlanske zajednice

Fondacija tuzlanske zajednice od svojih članova/ica Upravnog odbora očekuje da:

- Budu upoznati sa Statutom, ciljevima, misijom, strategijom, ciljnim korisnicima i potrebama Fondacije i da djeluju u skladu prihvaćenih odgovornosti;
- Nezavisno i objektivno donose odluke na pravedan, etičan i nepristrasan način;
- Redovno dolaze na sastanke UO, kao dobrovoljni aktivisti Fondacije;
- Upotrijebe svoja iskustva i znanja u određenoj oblasti na najbolji način kako bi pomogli proces odlučivanja o predmetnim grantovima i drugim aktivnostima Fondacije;
- Čuvaju povjerljive informacije sa zatvorenih sjednica UO i Fondacija, a izjave u javnosti da daju odgovorno i u dogovoru sa Fondacijom;
- Prate implementaciju i predlažu poboljšanje programa u skladu sa misijom i ciljevima Fondacije.

Od članova Upravnog odbora se očekuje da volonterski učestvuju u procesima operativnog i strateškog planiranja, te da se uključe u procese definiranja misije i vizije Fondacije. U skladu sa misijom Fondacije, članovi Upravnog odbora će, u okviru svojih sposobnosti i znanja, pomoći pri realizaciji ciljeva i aktivnosti Fondacije.

Članovi Upravnog odbora, svojim dobrovoljnim zalaganjem, će dati doprinos u procesu prikupljanja sredstava za razvoj fondova pri Fondaciji. Svaki član Upravnog odbora će sastaviti listu kontakata, odnosno potencijalnih donatora, kojim se može Fondacija može obratiti za podršku. Svi članovi Upravnog odbora su i sami donatori Fondacije, a u granicama svojih mogućnosti. Svaki njihov pojedinačni ili kolektivni doprinos pokazuje postojećim i potencijalnim donatorima da su odani i posvećeni članovi Upravnog odbora Fondacije. Krajnji korisnici Fondacije, kojima je poznato da su i članovi Upravnog odbora donirali vlastita sredstva za dobrobit Fondacije i zajednice, će ovakav gest prihvatiti sa uvažavanjem kao pozitivan primjer poslovne etike Fondacije.

Upravni odbor kontinuirano prati finansijsko poslovanje Fondacije i očuvanje osnovnog fonda, na osnovu kojeg formuliše investicionu politiku i strategiju.

Članovi/ice Upravnog odbora se obavezuju da će pravedno zastupati Fondaciju, te da će raditi kao ambasadori dobre volje ne samo u korist Fondacije, nego i cijele tuzlanske zajednice. Svojim nastupima u javnosti, članovi/ce Upravnog odbora će podržati pozitivne reakcije trećih lica prema Fondaciji, štiteći vrijednosti i principe za koje se zalaže Fondacija, kao što su otvorenost, dosljednost, pravednost, nezavisnost i stručan pristup u zalaganju za opšte dobro društva.

Tuzla, 13. decembar 2005. godine

Izjava
Člana/ice Upravnog odbora
Fondacije tuzlanske zajednice

Ja, _____ prihvatom odgovornosti i obaveze koje se očekuju od mene kao člana/ice Upravnog odbora Fondacije tuzlanske zajednice. U toku svog mandata ja ću aktivno i odgovorno predstavljati Fondaciju u svojoj lokalnoj zajednici i šire.

Potpis

Datum